

雲溪友議

二





雲溪友議

(二)

范攄纂

叢書集成初編

(補印本)

雲

溪

友

議

二

冊

一九三九年十二月初版
一九五九年十月補印

范

攄

纂

商務印書館出版

上海市印刷四廠印刷

雲溪友議卷第七

宣宗十二年。前進士陳玩等五人。應博學宏詞選。所司考定名第。及詩賦論進訖。上於延英殿。詔中書舍人李潘等對。上曰。凡考試之中。重用字如何。中書對曰。賦忌偏枯叢雜。論則褒貶是非。詩則緣題落韻。只如白雲起封中詩。云封中白雲起是也。其間重用文字。乃是庶幾。亦非有常例也。又曰。孰詩重用字。對曰。錢起湘靈鼓瑟詩有二不字。詩曰。善撫雲和瑟。常聞帝子靈。馮夷空自舞。楚客不堪聽。逸韻諸金石。清音發杳冥。蒼梧來怨慕。白芷動芳馨。流水傳湘浦。悲風過洞庭。曲終人不見。江上數峯青。上覽錢公此年宏詞詩。曰。其一種重用文字。他詩似不及錢起。起則今協律之子也。合於匏革宮商。卽變鄭衛文奏。惟謝朓云。洞庭張樂地。瀟湘帝子遊。雲去蒼梧野。水還江漢流。此若比鼓瑟一篇。摘藻妍華。無以加。其前進宏詞詩。重用字者。登科。更明年考校。起詩便付史選。

故荊州杜司空琰。自忠武軍節度使出澧陽。宏詞李宜古者。

李生會昌三年。王起侍郎下上第。

數陪遊讌。每戲謔於其座。或

以鉛粉傅其面。或以輕綃爲其衣。侮慢旣深。杜公不能容忍。使臥宣古於泥中。欲辱之。賴楚也。長林公主聞之。不待穿履。奔出而救之。曰。尙書不念諸子學文。擬陪李秀才硯席。豈在飲筵而舉人細過。待士如此。異時那得平陽之譽乎。遂遣人扶起李秀才於東院。以香水沐浴。更以新衣。卻赴中座。公主傳旨。京兆公請爲詩。冀彌縫也。李生得韻書之。不勞思忖也。詩曰。

得高字。

紅燈初上月輪高。照見堂前萬朶桃。

臂栗響清銀子管。琵琶聲亮紫檀槽。能歌姹女顏如玉。解飲蕭郎眼似刀。爭奈夜深拋耍令。舞來撥去使人勞。杜公賞詩。貺物十箱。希無愧於一醉也。後二子裔休。孺休。皆以進士登科。人謂之曰。非其母賢不成其子。時澧州宴席酒。紉崔雲娘者。形貌瘦瘠。而戲調罰於衆賓。兼恃歌聲。自以爲郢人之妙也。李生乃常筵一詠。遂至鉗口。又杜牧侍郎罷宣城幕。經陝圻。有錄事肥而且巨。而敏其言詞。牧爲詩以挫焉。復州陸巖夢。桂州筵上贈胡子女一詩。至今歡狎之所。辭吟之篇。無不低顏變色也。李宣古贈崔雲娘詩云。何事最堪悲。雲娘只首奇。瘦拳拋令急。長鬣出歌遲。只怕肩侵鬢。惟愁骨透皮。不須當戶立。頭上有鍾馗。杜紫薇牧贈肥錄事詩曰。盤古當時有遠孫。尙令今日逞豪門。一車白土將泥項。十幅紅旗補破裾。瓦棺寺裏逢行跡。華嶽山前見掌痕。不須啼哭愁難嫁。待與將軍報岳神。陸巖夢贈胡子女詩曰。自道風流不可攀。那堪蹙額更頽顏。眼睛深卻湘江水。鼻孔高於華岳山。舞態固難居掌上。歌聲應不繞梁間。孟陽死後幾千載。猶有佳人覓往還。

平曾以憑人傲物。多犯諱忌。竟沒於縣曹。知己歎其運塞也。薛平僕射出鎮浙西。投謁主禮稍薄。曾留詩以諷之曰。梯山航海幾崎嶇。來謁金陵薛大夫。髭髮堅時趨劍戟。衣冠儼處拜冰壺。誠知兩軸非珠玉。深愧三縑卹旅途。今日楚江風正好。不須回首望勾吳。薛聞之。曾將出境。遣吏追還。縻留數日。又獻紮白馬詩曰。白馬披鬃練一團。今朝被絆欲行難。雪中放出尋空跡。月下牽來只見鞍。向北長鳴天外遠。臨風斜控耳邊寒。自知毛骨還應異。更請孫陽子細看。河東公觀詩曰。若不留絆行軒。那得觀其毛骨。

遂以殊禮相待。厚送篋賂餞行。會後遊蜀川。謁少師李固言相公。在成都賓館。則李珪郎中、郭圓員外、陳會端公、袁不約侍郎、采擇書記、薛重評事。皆遠從公。可謂蓮幕之盛矣。會每與諸公評論。則言笑彌日。侍於相公。則輕佻無所畏怵。遂獻雪山賦一首。言雪山雖茲潔白之狀。疊嶂攢峯。夏日清寒。而無草木華茂。爲人採掇。以李公罕作文章。廢其庠序也。相公讀賦。命推出會。曾不踰旬。又獻鰕鱖魚賦。言此魚觸物而怒。翻身上波。爲鵠鳶所獲。柰魴鱖之何。相公覽賦笑曰。昔趙元叔之狂簡。袁伯彥之機捷。無以過焉。然愛其文采。投贄者無出於會。曾有過忤。不至深罪。乃知相公之用心也。又作潼關賦。以刺中朝。此關倚太華。瞰黃河。雖來往攸同。而歎有異也。乃與賈島齊譴。爲時所忽。至於潦倒。誠可惜哉。後溫庭筠爲賦。亦譏刺。少類於平賈。而謫方城尉。乃詩曰。侯印不能封李廣。別人丘壠似天山。舉子紀唐夫。有詩送之。時溫庭筠作尉。紀唐夫得名。蓋因文而致也。詩曰。何事明時泣玉頻。長安不見杏園春。鳳凰詔下雖霑命。鸚鵡才高卻累身。且飲綠醪消積恨。莫言黃綬拂行塵。方城若比長沙遠。猶隔千山與萬津。

襄陽牛相公。赴舉之秋。每爲同袍見忽。及至昇超。諸公悉不如也。嘗投贄於劉補闕禹錫。對客展卷。飛筆塗竄其文。且曰。必先輩未期至矣。然物謝礪礪。終爲快快。歷三十餘歲。劉轉汝州。隴西鎮漢南。枉道駐旌旄。信宿酒酣。直筆以詩諭之。劉公承詩意。方悟往年改牛公文卷。因誡子弟咸元、承雍等曰。吾立成人之志。豈料爲非。況漢上尙書。高識達量。罕有其比。昔主父偃家爲孫弘所夷。嵇叔夜身死鍾會之口。

是以魏武誠其子云。吾大忿怒。小過失。慎勿學焉。汝輩脩進守中爲上也。席上贈汝州劉中丞。襄州節度使牛僧孺詩曰。粉署爲郎四十春。今來名輩更無人。休論世上升沉事。且鬪樽前見在身。珠玉會應成咳唾。山川猶覺露精神。莫嫌特酒輕言語。曾把文章謁後塵。奉和牛尚書韻。汝州刺史劉禹錫詩曰。昔年曾忝漢朝臣。晚歲空餘老病身。初見相如成賦日。後爲丞相掃門人。追思往事咨嗟久。幸喜清光笑語頻。猶有當時舊冠劍。待公三日拂埃塵。牛公吟和詩。前意稍解。曰。三日之事。何敢當焉。宰相三朝後主印。可以

升降百於是移宴竟夕。方整前驅也。中山公謂諸賓友曰。予昔與丞相德輿庾詞同舍郎莫之會也。庾詞

司也。於是移宴竟夕。方整前驅也。中山公謂諸賓友曰。予昔與丞相德輿庾詞同舍郎莫之會也。庾詞

罕知。與韓退之愈。優劣人物兩泐。哀給事。與李表臣程突梯而侮李兵部。與柳子厚宗元評脩

國史而薄侍郎。與呂光化論制誥而鄙席舍人。夔予二十八年在外。五爲刺史。而不復親臺省。以此將知清途隔絕。其自取乎。或有淡薄相待。緘翰莽鹵者。每吟張博士籍詩云。新酒欲開期好客。朝衣暫脫見閑身。對花木則吟王右丞詩云。興闌啼鳥換。坐久落花多。則幽居之趣少安耳。予友稀舊人。苦爲異代。今日爲文。都不愜意。洛中白二十二。居易苦好予秋水詠曰。東屯滄海闊。南壤洞庭寬。又石頭城下作云。山連故國周遭在。潮打空城寂寞回。予自知不及蘇州韋十九郎中。應物詩曰。春潮帶雨晚來急。野渡無人舟自橫。嘗過洞庭。雖爲一篇。靜思杜員外甫落句云。年去年來洞庭上。白蘋愁殺白頭人。鄙夫之言。有愧於杜公也。楊虞卿校書過華山詩曰。河勢崑崙遠。山形菡萏秋。此句實爲佳對。又皇甫博士。湜鶴處鷄羣賦云。若李君之在胡。但見異類。如屈原之相楚。惟我獨醒。然二君矜衒。俱爲朝野之絕

倫予亦昔時直氣。難以爲制。因作一口號。贈歌人米嘉榮曰。唱得梁州意外聲。舊人惟有米嘉榮。近來年少。輕前輩。好染髭鬚事後生。夫人遊尊貴之門。常須慎酒。昔赴吳臺。楊州大司馬杜公鴻漸爲余開宴。沉醉歸驛亭。稍醒。見二女子在傍。非我有也。乃曰。郎中席上與司空詩。特令二樂妓侍寢耳。醉中之作。都不記憶。明日脩狀。啟陳謝。杜公亦優容之。何施面目也。予以郎署州牧。輕忤三司。豈不過哉。詩曰。高髻雲鬟宮樣妝。春風一曲杜韋娘。司空見慣尋常事。斷盡蘇州刺史腸。中山劉公後以太子校書尚書。今呼爲郎州牧也。曰。頃在夔州。少逢賓客。縱有停舟相訪。不可久留。乃獨吟曰。巴人淚逐猿聲落。蜀客舟從鳥道來。忽得京洛故人書。題對之零涕。又曰。浮生誰至百年。倏爾衰暮。富貴窮愁。實其常分。胡爲嗟怨哉。

雲溪友議卷第八

石雄僕射初與康說同爲徐州帥王侍郎智興與首校王公忌二人驍勇奏守本官雄則許州司馬尋授石州刺史有李弘約者以石使君許下之日曾負弘約資貨累自窘索後詣石州求其本物既入石州境心復遲疑恐石君怒遇里有神祠祈享皆謂甚靈弘約乃號啓於神神祝父子俱稱神下索紙筆命弘約書之約不識文字求得村童口占之曰石使君此去當有重臣抽擢而立武功合爲河陽鳳翔節度復有一官失望所以事須闕密不令異耳聞之弘約以巫祝之言先白石君石君相見甚歡尋潞州劉從諫背叛朝廷議欲討伐李贊皇時爲上宰乃用雄爲將雄奮武奪得天井關後與劉振文破黑山諸蕃部落走南單于迎公主歸國皆雄之展效也然是鷹犬之功非良宰不能驅馳者及李公以太子少保分洛石僕射詣中書論官曰雄立天井關及黑山之功以兩地之勞更希一鎮養老相府曰僕射潞州之功國家已酬河陽節度使西塞之績又拜鳳翔在兩鎮之重豈不爲酬賞也石乃復爲左右統軍不愜其望悉如巫者之言李太尉相公泊謫潮州有客陳石僕射神祠之驗明其盛衰有數稍抑其噓鬱焉再貶朱崖作詩曰十年紫殿掌洪鈞出入三朝一品身文帝寵深陪雉尾武皇恩重宴龍津黑山永破和親虜鳥嶺全坑跋扈臣自是功高臨盡處禍來名滅不由人又登崖州城樓吟曰獨上高樓望帝京鳥飛猶是半年程青山欲似留人住百匝千遭繞郡城先是韋相公執誼得罪薨變於此今朱崖

有韋公山。柳宗元員外與韋丞相有齟齬年之好。三致書與廣州趙尙書宗儒。勸表雪韋公之罪。始詔歸葬京兆。至今山名不革矣。贊皇感其遠謫不還。爲文以祭曰。維大中年月日。趙郡李德裕。謹以蔬醴之奠。祭于故相國韋公僕射之靈。嗚呼。皇道咸寧。藉乎賢相。德邁皋陶。功宜呂尙。文字世推。智謀神貺。一遭讒嫉。遠投荒瘴。地雖厚兮不察。天其高兮不諒。野掇澗蘋。思違秬鬯。信成禍深。業崇身喪。某亦竄跡南陬。從公舊丘。永泯軒裳之願。長爲猿鶴之愁。嘻。吁。絕域。寤寐西周。倘知公者。惻公非罪。不知我者。謂我何求。其心若水。其死若休。臨風敬弔。願與神遊。嗚呼。云云。或問贊皇之秉鈞衡也。毀譽無如之何。創禍亂之階。關孤寒之路。好奇而不奢。好學而不倦。勳業素高。瑕疵不顧。是以結怨侯門。取尤羣彥。光福王起侍郎。自長慶三年知舉。後廿一載復爲僕射。武皇朝猶主柄。凡有親戚在朝者。不得應舉。遠人得路。皆相慶賀。後之文場困辱者。若周人之思鄉焉。皆曰。八百孤寒。齊下淚。一時回首望崖州。

南中丞。卓吳楚遊學十餘年。衣布縷。乘牝衛。薄遊上蔡。蔡牧待之似厚。而爲客吏難阻。每宴集令召。則云。南秀才自以衣冠不整。稱疾不赴。南生羈旅窮愁。似無容足之地。惟城南鬻飯老嫗。待之無厭色。後十七年爲蔡牧。到郡乃曰。古人一飯之恩。必報。毗睚之怨。必酬。吾雖位微。幸常斯日也。遂戮仇吏而報飯嫗焉。轉黔南經略使。大更風俗。凡是谿塢。呼吸文字。皆同秦漢之音。甚有聲譽。先是柳子厚在柳州。呂衡州溫嘲諷之曰。柳州柳刺史。種柳柳江邊。柳館依然在。千秋柳拂天。至南公至黔南。又以故人嘲曰。黔南南太守。南郡在雲南。問向南亭醉。南風變俗談。撰駁史三十卷。與馬史殊貫。班書小異。三國二晉。

以下之文多被攻難。每於朝野推論。莫能屈也。吳武陵郎中。劉軻侍御。俱服其才識焉。初爲拾遺。與崔詹事黯。因諫諍出宰。崔爲支江令。南爲松滋令。二諫垣。矯翼翩翩。無所羈束。雙名並席。二邑綏然。公府常爲高楊相待。南公贈副戎等詩曰。翺翔曾在玉京天。墮落江南路幾千。從事不須輕縣宰。滿身猶帶御爐烟。

憲宗皇帝朝。以北狄頻侵邊境。大臣奏議。古者和親之有五利。而日無千金之費。上曰。比聞有一卿能爲詩。而姓氏稍僻。是誰。宰相對曰。恐是包子虛。冷朝陽。皆不是也。上遂吟曰。山上青松陌上塵。雲泥豈合得相親。世路盡嫌良馬瘦。惟君不棄臥龍貧。千金未必能移姓。一諾從來許殺身。莫道書生無感激。寸心還是報恩人。侍臣對曰。此是戎昱詩也。京兆尹李鑾。擬以女妻昱。令其改姓。昱固辭焉。上悅曰。朕又記得詠史一篇。此人若在。便與朗州刺史。武陵桃源。足稱詩人之興咏。聖旨如此。稠疊士林之榮也。其詠史詩曰。漢家青史內。計拙是和親。社稷依明主。安危托婦人。豈能將玉貌。便欲靜胡塵。地下千年骨。誰爲輔佐臣。上笑曰。魏絳之功。何其懦也。大臣公卿。遂息和戎之論矣。文宗武宗之世。舉子亦有斯詠。果毅者佳焉。斛律斯者。長安退將也。其詩曰。塞外衝沙損眼明。歸來養病臥秦城。上高樓閣看星坐。着白衣裳把劍行。常說老身思鬪將。最憐無事削藩營。翠娥紅臉和回鶻。惆悵中原不用兵。蘇郁曰。關月夜懸青塚鏡。塞雲秋薄漢宮羅。君王莫信和戎策。生得胡雛轉更多。

宋言端公近十舉而名未播。大中十一年。將取府解。言本名嶽。因晝寐。似有人報云。宋二郎秀才。若頭上

戴山無因成名。但去其山。自當通泰。覺來便思去之不可名獄。遂去二犬。乃改爲言。及就府試。馮涯侍郎作掾而爲試官。以解首宋言也。時京兆尹張大夫毅夫以馮參軍解送舉人有私。奏譴澧州司戶再試。退解頭宋言爲第六十五人。知聞來唁。宋曰。來春之事。甘已參差。李播舍人放榜。以言爲第四人及第。言感恩最深。實爲望外也。乃服馮涯知人。尋亦獲雪。

安邑李相公

吉甫

初自省郎爲信州刺史。時吳武陵郎中貴溪人也。將欲赴舉。以哀情告于州牧。而遣以

五布三帛。吳嫌輕鮮。以書讓之。其詞唐突。不存桑梓之分。李微誚焉。贊皇母氏諫曰。小兒方求成人。何得與舉子相忤。遂與米二百斛。趙郡果爲宰輔。竟釋其憾焉。元和二年。崔侍郎邠重知貢舉。酷搜江湖之士。初春將放二十七人及第。潛持名來呈相府。纔見首座李公。公問吳武陵及第否。主司恐是舊知。遽言吳武陵及第也。其榜尙在懷袖。忽報中使宣口勅。且揖禮部從容。遂注武陵姓字。呈上李公。公謂曰。武陵至是粗人。何以當其科第。禮部曰。吳武陵德行雖則未聞。文筆乃堪採錄。名已上榜。不可卻矣。相府不能因私詘士。唯唯而從。吳君不附國庠。名第在於榜末。是日旣集省門試。謂同年曰。不期崔侍郎今年倒挂榜也。觀者訝焉。

樂坤員外素名冲。出入文場多蹇。元和十二年。忿起歸耕之思。乃辭知己東邁。夜禱華嶽廟。虔心啓祝。願知升黜之分。止此一宵。如可求名者。則重適關城。如不可。則無由再窺仙掌矣。中夜忽夢一青綬人檢簿書報云。來年有樂坤及第名已到。冥簿不見樂冲也。冲遂改名坤。果如其說。春闈後。經岳祈謝。又祝

官職於主簿夢中稱官歷四資郡守而已乃終于郢州神其靈哉

潞州沈尙書

絢

宣宗九載主春闈將欲放榜其母郡君夫人曰吾見近日崔李侍郎皆與宗盟及第似無

一家之謗汝叨此事家門之慶也於諸葉中擬放誰耶

吳興沈氏相見問葉不問房

絢曰莫先沈先也太夫人曰沈

先早有聲價沈擢次之二子科名不必在汝自有他人與之吾以沈儻孤單鮮有知者汝其不慙孰能見哀絢不敢違慈母之命遂放儻第焉先後果升上第擢奏芸閣從事三湘太夫人之朗悟儻亦感激焉

雲溪友議卷第九

左傳稱筮短龜長。知凶襲吉。易經周魯二聖亦備在典彝。後之學者隨應而述之。李相公回以舊名躔累舉未捷。嘗之洛橋。有二術士。一能筮。一能龜。乃先訪筮者曰。某欲改名赴舉如何。筮者曰。改名甚善。不改終不成事也。又訪龜者。鄒生。生曰。君子此行。慎勿易名。名將遠布矣。然而成遂之後。二十年間。名終當改矣。今則已應玄象。異時方測余言。將行又戒之曰。郎君必策榮名。後當重士。接誘後來。勿以白衣爲隙。他年必爲深覺矣。淮南從事力薦畢丞相。誠後又舉趙渭南。李公長慶二年及第。至武宗登極。與上同名。始改爲回。自辛丑至庚申二十年矣乃嘆曰。筮短龜長。鄒生之言信矣。李公既爲丞郎。永興魏相公蕃爲給事。因省會謂李公曰。昔求府解。侍郎爲試官。送一百二人。獨小生不蒙一解。今日還忝金章。廁諸公之列耶。合座皆驚此說。欲其遜容。李公曰。如今脫却紫衫。稱魏秀才。僕爲試官。依前不送公。公何得以舊事相讓耶。李乃尋秉獨坐之權。三臺肅畏。而陞相府。至今少臺官之直拜也。後三五年間。魏公亦自同州入相。實繼文貞之諫。宣皇之代。而致清平。及李相公有九江之除。續有臨川之出。跋涉江湖。喟然嘆曰。洛橋先生之誠。吾自取尤。然亦命之故定也。

列子終于鄭。今墓在郊藪。謂賢者之跡。而或禁其樵採焉。里有胡生者。性落魄。家貧。少爲洗鏡鉸釘之業。倏遇甘果名茶美醢。輒祭于列禦寇之祠壠。以求聰慧。而思學道。歷稔忽夢一人。刀劃其腹開。以一卷

書置之於心腑。及覺而吟詠之。句皆綺美之詞。所得不由於師友也。既成卷軸。尙不棄猥瑣之藝。真得隱者之風。遠近號爲胡釘鉸。太守名流。皆仰矚之。而門多長者。或有遺賂。必見拒也。或持茶酒而來。則欣然接奉。其文略記數篇。資其異論耳。喜園田韓少府見訪一首。忽聞梅福來相訪。笑着荷衣出草堂。兒童不慣見車馬。爭入蘆花深處藏。又觀鄭州崔郎中諸妓繡樣曰。日暮堂前花蕊嬌。爭拈小筆上床描。繡成安向春園裏。引得黃鶯下柳條。吟江際小兒垂釣曰。蓬頭稚子學垂綸。側坐莓苔草映身。路人借問遙招手。恐畏魚驚不應人。

咸陽郭氏者。殷富之室也。僕腰甚衆。內有一蒼頭。名曰捧劍。不事音樂。常以望水翫雲。不遵驅策。雖每遭捶撻。終所見遠。一旦忽題一篇章。其主益怒。詩曰。青鳥啣葡萄。飛上金井欄。美人恐驚去。不敢捲簾看。儒士聞而競觀之。以爲協律之詞。其主稍容焉。又題後堂牡丹花曰。一種芳菲出後庭。却輸桃李得佳名。誰能爲向夫人說。從此移根近太清。捧劍私啓賓客曰。願作夷狄之鬼。恥爲愚俗蒼頭。其後將竄。復留詩曰。珍重郭四郎。臨行不得別。曉漏動離心。輕車冒寒雪。欲出主人門。零涕暗鳴咽。萬里隔關山。一心思漢月。京兆全曙司錄。嘗述此事於王祝李溪二郎并進士韓銖鄭嵩等也。

廖有方校書。元和十年。失意後遊蜀。至寶鷄西界館。窆諸旅遊之人。天下譽爲君子之道也。有書板爲記云。予元和乙未歲。落第西征。適此公署。忽聞呻吟之聲。潛聽而微愜也。乃於暗室之內。見一貧病兒。郎問其疾苦行止。強而對曰。辛勤數舉。未遇知音。眊眊叩頭。久而復語。惟以殘骸相托。餘不能言。擬求救